

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO – TUŽITELJSTVO
ZENIČKO-DOBOJSKOG KANTONA
Broj: T04 0 KT 0063935 25
Zenica, 28.05.2025. godine

OPĆINSKOM SUDU U ZENICI
ZENICA

Na osnovu člana 45. stav 2. tačka i) i člana 241. stav 1. Zakona o krivičnom postupku Federacije BiH, p o d i ž e m

O P T U Ž N I C U

Protiv:

A. R., zvaní „G.“, osuđivan,

Što je:

U periodu od 01.04. godine do 14.04.2025. godine, na području grada Zenica, došao do zgrade u ulici ..., na prvom spratu, broj stana ..., u vlasništvu grada Zenica i sa vrata stana na kojem je dana 17.02.2025. godine stavljen pečat od strane službenika Gradske uprave, radi osiguranja i bespravnog ulaska u navedeni stan, upotrebom fizičke snage skinuo, odnosno povrijedio pečat i otvorio ulazna vrata stana, te ušao u unutrašnjost i unio svoje stvari, nakon čega se uselio sa suprugom i djecom, svjestan da skidanje ili povređivanje službenog pečata koji je službena osoba postavila radi osiguranja predmeta ili prostorije od ulaska drugih lica, nije dozvoljeno, što je i htio,

dakle, skinuo ili povrijedio službeni pečat, koji je ovlaštena službena osoba stavila radi osiguranja prostorije, kako bi ušao u takvu prostoriju,

čime je počinio krivično djelo skidanje ili povreda službenog pečata ili znaka iz člana 366. stav 1. KZ FBiH.